

第二冊

全唐文

中華書局影印

欽定全唐文卷一百一

梁太祖

帝姓朱氏諱晃初名溫宋州陽山人唐大中六年生初從黃巢尋降於河中節度使王重榮重榮表奏僖宗授左金吾衛大將軍賜名全忠天復元年封梁王天祐二年加相國改封魏王備九錫四年四月受唐禪改今名開平三年加尊號睿文聖武廣孝皇帝在位六年年六十一諡曰神武元聖孝皇帝廟號太祖

受禪改名令

欽定全唐文 卷一百一 梁太祖

王者創業興邦立名傳世必難知而示訓從易避以便人關或稽其符命應彼開基之義垂諸象德之言爰考簡書求於往代周王昌發之號漢帝詢衍之文或崇一德以徽稱或爲二名而更易先王令典布在縑緇寡人本名兼於二字且異帝王之號仍兼避易之難郡職縣官多須改換況宗廟不遷之業憲章百世之規事叶典儀豈憚革易寡人今改名晃是以天意雅符於明德日光顯契於瑞文昭融萬邦理斯在是庶順元穹之惠永臻康濟之期宜令有司分告天地宗廟其舊名中外章疏不得更有迴避

受禪改元制

王者受命於天光宅四海祇事上帝寵綏下民革故鼎新諒歷數而先定創業垂統知圖錄以無差神器所歸祥符合應是以三正互用五運相生前朝道消中原政散瞻烏莫定失鹿難追朕經緯風雷沐浴霜露四征七伐垂三十年糾合齊盟翼戴唐室隨山刊木罔憚胼胝投袂揮戈不遑寢處泊上穹之所贊知廣運之不興莫諧輔漢之謀徒罄事殷之禮唐主知英華已竭算祀有終釋龜鼎以如邁推劒紱而相授朕懼德弗嗣執謙允恭避駿命於南河眷

欽定全唐文 卷一百一 梁太祖

清風於潁水而乃列嶽羣后盈廷庶官東西南北之人斑白緇黃之衆謂朕功蓋上下澤被幽深宜應天以順時俾化家而爲國拒彼億兆至於再三且曰七政已齊萬幾難曠勉遵令典爰正鴻名告天地神祇建宗廟社稷顧惟涼德曷副樂推慄若履冰慄如馭朽金行啟祚玉厯建元方宏經始之規宜布維新之令可改唐天祐四年爲開平元年國號大梁書載虞賓斯爲令範詩稱周客蓋有明文是用先卦以禮後嗣宜以曹州濟陰之邑奉唐主封爲濟陰王凡曰軌儀並遵故實姬庭多士比是殷臣楚國羣材終

爲晉用歷觀前軌自有通規但遵故事之文勿替在公之
效應是唐朝中外文武舊臣見任前資官爵一切仍舊凡
百有佺無易厥韋陳力濟時盡瘁事我古者興王之地受
命之邦集大勲有異庶方霑慶澤所宜加等故豐沛著啟
祚之美穰鄧有建都之榮用壯鴻基且旌故里爰遵令典
先示殊恩宜升汴州爲開封府建名東都其東都改爲西
都仍廢京兆府爲雍州佑國軍節度使

授錢鏐太尉制

集非常之事必有挺非常之才建第一之功必有居第一

欽定全唐文 卷一百一

梁太祖

三

之佺朕膺圖受命負展開階未嘗以真太尉之官輕於擬
議大司關之職易於簡求蓋由其爵尊其任重不有英佐
孰當異恩啟聖匡運同德功臣淮南鎮海鎮東等軍節度
使淮南浙江東西等道管内觀察處置充淮南四面都統
營田安撫兼兩浙鹽鐵制置發運等使開府儀同三司檢
校太師兼中書令杭越等州大都督府長史上柱國吳越
王食邑一萬五千戶實封一千戶錢鏐海岳騰英星雲誕
秀契君臣咸一之德有文武兼備之才宣慈惠和忠正廉
毅敦詩說禮樹百行於藩維去暴除奸敵萬人於帷幄弼

予興運明乃嘉謨頃屬淮彝不賓王化自爾益封吳會兼
鎮廣陵追擒每盡於隻輪覆溺連收其巨艦復開奸宄屢
擾巡封謂天蓋高若水可恃爾又橫戈憤悱獨力支吾妙
運神機大殲戎醜元雲陣起雄風驅下瀨之師白露圍開
沴氣散常州之化再安生聚重復土疆薛公之三策咸明
漢主之一奇斯在況早攀鱗翼備見肺腸同德同心二紀
密參於締構惟忠惟孝四方咸則於儀刑苟非劇恩何以
加賞是用鑲於彝鼎冊以輅車擬呂望之尊崇正列侯之
貴重仍加真食復寵兼官式是獎酬且旌忠烈於戲進以
欽定全唐文 卷一百一

梁太祖

四

令同華雍等州招諭制

左馮背叛元惡遁逃如聞相濟之徒多是脅從之輩若能
迴心向國轉禍全身當與加恩必不問罪仍令同華雍等
州切加招諭如能梟斬溫韞或以鎮寨歸化必加厚賞仍
獎官班兼委本界招復人戶切加安存

黜罰使臣制

朝廷命使臣下奉行唯於辭見之儀合守敬恭之邁近者
凡差出使往復皆越常規或已辭而尚在本家或未見而
先歸私第但從已便莫稟王程在禮敬而殊乖置典章而
私舉宜令御史臺別具條流事仲具黜罰等奏聞

南郊恩制

夫嚴祀報本所以通神明流澤覃休所以惠黎庶斯蓋邦
家不易之邁皇王自昔之規敢敷大猷茲惟古義粵朕受
命於今三年何嘗不寅畏晨興焦勞夕惕師唐虞之典上
則於乾功挹殷夏之源下涵於民極欲使萬方有裕六辨

欽定全唐文

卷一百一

梁太祖

五

無愆然而志有所未孚理有所未達致奸宄作孽旱靈爲
災驕將守邊擁牙旗而背義積陰馭氣陵玉燭以干和載
考休徵式昭至警朕是以仰高俯厚靡惜於責躬履薄臨
淵冀昭於元覽兢兢慄慄夙夜匪寧及夫動干戈而必契
靈謀陳犧粢而克章善應苟非天垂丕祐神贊殊休則安
可致夷凶渠就不戰之功變沴戾氣作有年之慶況靈旗
北指喪犬羊於亂轍之間飛騎西臨下廊翟若走丸之易
息一隅之煙燧復千里之封疆而又掃蕩左馮討除峴首
故得外戎內夏益知天命之攸歸喙息跂行共識皇基之

永固仰懷昭應欲報無階爰因南至之辰親展園丘之禮
茲惟大慶必及下民乃宏渙汗之私以錫疲羸之幸所冀
漸臻蘇息亟致和平噫朕自臨御已來歲時尚邇氛昏未
殄討伐猶頻甲兵須議於餽糧飛輓頻勞於編戶事非獲
已慮若納隍宜所在長吏倍切撫綏明加勉諭每官中抽
差徭從禁猾吏廣歛貪求免至流散靡依凋弊不濟宜令
河南府開封府及諸道觀察使切加鈐轄刺史縣令不得
因緣賦歛分外擾人凡關庶獄每尚輕刑只候纔罷用軍
必當便議優給德音節文內有未該者宜令所司類例條
欽定全唐文

卷一百一

梁太祖

六

件聞奏

委宰臣專判祭祀制

國之大事惟祀與戎祭法所標禮經猶重其齊心必至備
物精臻方感召於神祇乃降通於福祐近者所司祠祭或
聞官吏因循虛破支供動多虧闕致陰陽之失序仍水旱
以爲災每一念思實多凜若宜加提舉用復敬恭須委元
臣以專重事自今後應在京四時大小祀及諸色祭祀並
委宰臣貽矩專判躬親點簡無令怠墮有失典常

求賢制

自開創以來凡有赦書德音節文內皆委諸道搜訪賢良尚慮所在長吏未切薦揚其有卓犖不羈沈潛用晦負王霸之業蘊經濟之謀究古今刑政之源達禮樂質文之奧機籌可以制變經術可以辨疑一事軼羣一才拔俗並令招聘旋具奏聞然後試其所長待以不次所貴牢籠俊傑採撫英翹

禁軍吏誅求制

戎機方切國用未殷養兵須藉於賦租輓粟尚煩於力役所在長吏不得因緣徵發自務貪求苟有故違必行重典

欽定全唐文

卷一百一

梁太祖

七

立法垂制詳刑定科傳之無窮守而勿失中書門下所奏新定格式律令已頒下中外各委所在長吏切務遵行盡革煩苛皆除枉濫用副哀矜之旨無違欽恤之言

禁用軍焚掠制

扈氏不恭固難去戰鬼方未服尚或勞師其蟻聚餘妖狐鳴醜類棄天常而拒命據地險以偷生言事討除將期戡定問罪止誅於元惡延災可憫於遺黎每念傷痍良深愧歎應天兵所至之地宜令將帥節級嚴戒軍伍不得焚燒廬舍開發邱壠毀廢農桑驅掠士女使其背叛之俗知予

弔伐之心

日食求言制

兩漢已來日蝕地震百官各上封事指陳得失蓋欲周知時病盡達物情用緝國章以奉天誠朕每思逆耳罔忌觸鱗將洽政經庶開言路況茲譴見當有咎徵其在列辟羣臣危言正諫極萬邦之利害致六合之殷昌毗予一人永建皇極

貶相州刺史李思安制

懷州刺史段明遠少年治郡庶事惟公兩度祇奉行蠶數

欽定全唐文

卷一百一

梁太祖

八

程宿食本界動無遺闕舉必周豐蓋能罄竭於家賄務在顯酬夫明獎觀明遠之忠勤若此見思安之悖慢何如關

加恩前朝官寮詔

前朝官寮譴逐南荒積年未經昭雪其間有懷抱材器爲時所嫉者深負冤抑仍令錄其名姓盡復官資兼告諭諸道令津致赴闕如已亡殒並許歸葬以明恩蕩

定封冊禮詔

朝廷之儀封冊爲重用報勲烈以隆恩榮固合親臨式光典禮章久缺自我復行今後每封冊大臣宜令有司備

臨軒之禮稱朕意焉

恤征役詔

潞寇未平王師在野攻戰之勢難緩於寇圍飛輓之勤實勞於人功永言輟耒深用軫懷宜令長吏丁寧布告期以兵罷之日給復賦租

令諸州撲蝗詔

令下諸州去年有蝗蟲下子處蓋前冬無雪今春亢陽致為災沴實傷隴畝必慮今秋重困稼穡自知多在荒陂榛蕪之內所在長吏各須分配地界精加剪撲以絕根本

欽定全唐文

卷二百一

梁太祖

九

亢陽修政詔

邇者下民喪禮法吏舞文銓衡既失於選求州鎮又無其舉剝風俗未厚獄訟實繁職此之繇上貽天譴

崇節儉詔

敦尚儉素抑有前聞斥去浮華期臻至理如聞近日貢奉競務奢淫或奇巧蕩心或雕鏤溢目徒殫資用有費工靡此後應諸道進獻不得以金寶裝飾戈甲劍戟至於鞍勒不用塗金及雕刻龍鳳如有此色所司不得引進

定鞍飾等級詔

車服以庸古之制也貴賤無別罪莫大焉應內外將相許以銀飾鞍勒其刺史都將內諸司使以降祇取用銅冀定尊卑永為條制仍令執法官糾察之

修祀典詔

祀典之禮有國之大事也如聞官吏慢於展敬禮容牲饌有異精虔宜令御史疏其條件以聞

給百官俸料詔

秩俸所以養賢而勵奉公也兵車未戢貢賦莫充朝謁甚勤祿廩蓋寡朕今啟建都市已畢郊禋職采至多費用差

欽定全唐文

卷二百一

梁太祖

十

少其百官逐月俸料委左藏庫依前例全給

申謝南郊詔

朕自膺眷佑勉副樂推三載於茲多難未弭但蒙靈貺每竊休徵致稼穡之有年乃陰陽之克饒昨者以災興右地叛結左馮連邠鳳之凶狂據關河之險固王師纔進逆黨生擒寸刃未施重門盡啟以致元凶自遁遺孽皆降賊除不出於浹旬兵罷匪踰於一月而況時當炎暑路涉惡山風迎馬以納涼雲隨車而不雨功因捷速役免滯留非眇質之敢當賴上元之垂祐合申告謝用表精虔宜令所司

擇日親拜郊祀

祭告東岳詔

封岳告功前王重事祭天肆覲有國常規朕自以眇身恭臨大寶既功德未敷於天下而災祥互降於域中慮於告謝之儀有關齋虔之禮宜修昭報用契幽通宜令中書侍郎同平章事于兢往東岳祭拜禱祀訖聞奏

追贈張策等官詔

追養以祿王者推歸厚之恩欲靜而風人子抱終身之感其以刑部尚書致仕張策及三品四品常參官二十二人

欽定全唐文 卷一百一

梁太祖

士

先世各追贈一等

討劉知俊懸爵賞詔

劉知俊貴爲方伯尊極郡玉而乃背誕朝恩竄投賊壘固人神之共怒諒天地所不容雖命討除尚稽擒戮宜懸爵賞以大功名必有忠貞咸思憤發有生擒劉知俊者賞錢千萬授節度使首級次之得孟審登者錢百萬除刺史得都將孫坑卓瓌劉儒張隣等賞賜有差

禁偽造犀玉詔

奇邪亂正假偽奪真既刑典之不容宜犯違而勿赦應東

西兩京及諸道州府制造假犀玉珍珠腰帶璧珎并諸色售用等一切禁斷不得輒更造作如公私人家先已有者在送納長吏對面毀棄如行勅後有人故違必當極法仍委所在州府差人簡察收捕明行處斷

求賢詔

朕聞歷代帝王首推堯舜爲人父母孰比禹湯睿謀高出於古先聖德普聞於天下尚或卑躬待士屈已求賢俯仰星雲慮一民之遺逸網羅巖穴恐片善之韜藏延爵祿以徵求設丹青而訪召使其爲政樂在進賢蓋縣國有萬機

欽定全唐文 卷一百一

梁太祖

士

朝稱百揆非才不治得士則昌自朕光宅中區迄今三載宵分輟寐日旰忘餐思共力於廟謀庶永清於王運而乃朝廷之內或未盡於昌言軍旅之間亦罕聞於奇策眷言方岳下及山林豈無英奇副我延佇諸道都督觀察防禦使等或勲高翊世或才號知人必於塗巷之賢備察芻蕘之士詔到可精搜郡邑博訪賢良喻之以千載一時約之以高官美秩諒無求備唯在得人如有卓犖不羈沈潛自負通霸王之上略達文武之大綱究古今刑政之源識禮樂質文之變朕則待之不次委以非常用佐經綸豈勞階

綏如或一言拔俗一事出羣亦當舍短從長隨才授任大小方圓之器寧限九流溫良恭儉之人難誣十室勉思薦舉勿至因循俟爾發揚慰予翹渴仍從別勅處分

遣官分祀風神詔

自朔至今暴風未息諒惟不德致此咎徵皇天動威罔敢不懼宜徧命祈禱副朕意焉

嚴關防詔

關防者所以譏異服察異言也況天下未息兵民多姦改形易衣覘我戎事比者有謀皆以詐賂而未嘗罪所過地

欽定全唐文

卷一百一

梁太祖

七

叛將逃卒竊其妻孥而影附使者亦未嘗詰其所經今海內未同而緩法弛禁非所以息姦詐止奔亡也應在京諸司不得擅給公驗如有出外須執憑繇者其司門過所先須經中書門下點簡宜委宰臣趙光逢專判出給俾繇顯重冀絕姦源仍下兩京河陽及六軍諸衛御史臺各加鈐轄公私行李復不得帶挾家口向西其襄鄧鄭延等道並同處分

賑貸滑宋等州詔

滑宋輝毫等州水滂敗傷人戶愁歎朕爲民父母良用痛

心其令本州各等級賑貸所在長吏監臨周給務令存濟

令冀王友諒將兵詔

邠岐未滅關隴多虞宜擇親賢總茲戎重應關西同雍華鄜延夏等六道兵馬并委冀王收管指揮凡有抽差先申西面都招討使仍別奏聞庶合機權以寧邊鄙

令行營招諭歸降詔

常山背義易水效尤誘其蕃戎動我邊鄙南侵相魏東出邢洛是用遣將徂征爲人除害但初頒赦令不欲食言宥而伐之諒非獲已況聞謀始不自帥臣致此厲階並繇姦

欽定全唐文

卷一百一

梁太祖

五

倭密通人使潛結犬戎旣懼罪誅乃生離叛今雖行討伐已舉師徒亦開招諭之門不阻歸降之路矧又王鎔處直未曾削爵除名若翻然改圖不遠而復必仍舊貫當保前功如有率衆向明拔州效順亦行殊賞冀徇來情免令受弊於疲民用示惟新於汚俗宜令行營都招討使及陳暉軍節準此勅文散加招諭將安衆懼特舉明恩鎮州只罪李宏規一人其餘一切不問

處置北面招討使胡規擾民詔

胡規比緣微效遂委劇權不能禁戢諸軍而敢侵凌百姓

輒生狂詆欲起亂臨備見包藏何堪委用從來凶逆已露鋒鋷此際侮輕足量肝膽苟無極斷慮授後難胡規并男義方委宗爽準軍令處置其婦女任從所適都指揮使韓勅已下一十二人罰俸有差

嚴懲注擬蠹弊詔

夫興隆邦國必本於人民惠養疲羸允資於令長苟選求之踰濫固撫理之乖違如聞吏部擬官中書除授或緣親舊所請或爲勢要所干姑徇私情靡求才實念茲蠹弊宜舉條章自今以後應中書用人及吏部注擬並宜省藩身欽定全唐文 卷一百一 梁太祖 五之才業驗爲政之否臧必有可觀方可任用如或尚行請託猶假貨賄其所司人吏等必當推窮重加懲斷有司官長別有處分

暑月施恩詔

生育之人爰當暑月乳哺之愛方及薰風儻肆意於剗屠豈推恩於長養俾無珍暴以助發生宜令兩京及諸州府夏季內禁斷屠宰及採捕天民之窮諒由賦分國章所載亦務興仁所在鰥寡孤獨廢疾不濟者委長吏量加賑卹史載葬枯用彰軫恤禮稱掩骼將致和平應兵戈之地有

暴露骸骨委所在長吏差人專功收瘞國廩之文尚標七祀良藥之效亦載三醫用憐無告之人宜徵有喜之術凡有疫之處委長吏簡尋醫方於要路曉示如有家無骨肉兼困窮不濟者即仰長吏差醫給藥救療之

遣官祈雨詔

亢陽滋甚農事已傷宜令宰臣于兢赴中嶽杜曉赴西嶽精切祈禱其近京靈廟宜委河南尹五帝壇風師雨師九宮貴神委中書各差官祈之

禁長吏誅求詔

欽定全唐文 卷一百一 梁太祖 五共理庶民是資牧宰克勤厥職必選端良儻徇私以滅公則興災而歛怨豈遵條教實蠹風蝕其所在長吏不得因緣差役分外誅求律令所施典刑具在寧容殘忍合務哀矜宜令所在長吏不得淫刑酷法須臻有違免致無辜

求言詔

謗木求規集囊貢事將裨理道豈限側言應内外文武百官及草澤並許上封事極言得失

以潼關仍隸陝州勅

建國稱都俾新其制況山河之險表裏爲防今二京俱在

關東以內仍以潼關隸陝州

禁使臣逗留勅

近年文武官諸道奉使皆於所在分外停住踰年涉歲未聞歸闕非唯勞費州郡抑且侮慢國經臣節既虧憲章安在自今後兩浙福建廣州安南邕容等道使到發許住一月湖南洪鄂黔桂許住二十日荆襄同雍鎮定青滄許住十日其餘側近不過三五日凡來往道路據遠近里數許日行兩驛如遇疾患及江河阻隔委所在長吏具事由奏聞如或有違當行朝典命御史點簡糾察以儆慢官

欽定全唐文

卷一百一

梁太祖

七

答錢鈔奏勅

勅鎮東軍牆隍神龐玉前朝名將劇郡良材頃因剖竹之展實有拔榛之績初修府署綏輯吏民豈獨遺愛在人抑亦垂名終古沉錢鈔任隆三鎮功顯十臣能求福而不回致效靈而必應願加懿號以表冥符宜旌爰業之功用顯優隆之澤宜賜號崇福侯仍付所司牒至準勅者

許開坊市燃燈勅

近年以來風俗未泰兵革且繁正月燃燈廢停已久今屬創開鴻業初建洛都方在上春務達陽氣宜以正月十四

十五十六日夜開坊市門一任公私燃燈祈福

改酸棗等九縣屬開封府勅

自升州作府建邑爲都未廣邦圻頗虧國體其以滑州酸棗縣長垣縣鄭州中牟縣陽武縣宋州襄邑縣曹州戴邑縣許州扶溝縣鄆陵縣陳州太康縣等九縣宜並割屬開封府仍升爲畿縣

升礪山爲赤縣勅

豐沛之基寢園所在悽愴動關於情理充奉自繫於國章宜設陵臺兼升縣望其輝州礪山縣宜爲赤縣仍以本縣

欽定全唐文

卷一百一

梁太祖

八

令兼四陵臺令

賞張溫等勅

劉知浣逆黨之中最爲頭角龍虎軍親兵之內實冠爪牙昨者攻取潼關率先用命尋則擒獲知浣最上立功頗壯軍威將除國難所懸賞格便可支分許賜官階固須除授但昨捉獲劉知浣是張溫等二十二人一時向前共立功效其賞錢一千貫文數內一百貫文與最先打倒劉知浣衙官李稠四十三貫文與十將張溫二十人各與錢四十二貫八百五十文立功勅命便授郡府亦緣同時立功人

數不少所除刺史難議偏頗宜令逐月共支給正刺史料錢二百貫文數內十將張溫一人每月與十貫文餘二十一人每月每人各分九貫文仍起七月一日以後支給人與轉官職仍勘名銜分析申奏當與施行

定門禁勅

大內皇牆使諸門素來未得嚴謹將令整肅須示條章宜令控鶴指揮應於諸門各添差控鶴官兩人守帖把門其諸司使并諸司諸色人等並勒於左右銀臺門外下馬不得將領行官一人輒入門裏其逐日諸道奉進客省使於

欽定全唐文

卷一百二

梁太祖

无

申明門禁勅

皇牆大內本尚深嚴官禁諸門豈宜輕易未當條制交下因循苟出入之無常且公私之不便須加鈐轄用戒門閤宜令宣徽院使等切準此處分

欽定全唐文卷一百二

梁太祖二

便殿聽政勅

朕以干戈尚熾華夏未寧宜循卑菲之言用致雍熙之化起八月一日常朝不御金鑾崇勲兩殿只於便殿聽政

禁滯留軍奏勅

建國之初用兵未罷諸道章表皆繫軍機不欲滯留用防緩急其諸道所有軍事申奏宜令至右銀臺門委客省畫時引進諸道公事即依前四方館準例收接

欽定全唐文

卷一百二

梁太祖

一

禁科配州縣勅

所在長吏放雜差役兩稅外不得妄有科配自今後州縣府鎮凡使命經過若不執勅文券並不得妄差人驢及取索一物已上又今歲秋田皆期大稔仰所在切加條流本分納稅及加耗外勿令更有科索切戒所繇人更不得於鄉村乞託擾人

令當直官於中書側近宿止勅

公事難於稽遲居處悉皆遙遠其逐日當直中書舍人及吏部司封知印郎官少府監及篆印文兼書寫告身人吏

等並宜輪次於中書側近宿止

令刺史專達勅

魏博管内刺史比來州務並委督郵遂使曹官擅其威權州牧同於閒冗俾循通制宜塞異端並宜依河南諸州例刺史得以專達

令宰臣專判司門出給勅

司門過所先是司門郎中員外郎出給今以寇盜未平恐漏姦詐令宰臣趙光逢專判凡諸給過所先具狀經中書點簡判下即本判郎官據狀出給

欽定全唐文

卷一百二

梁太祖

二

褒韓建勅

許昌雄鎮太保韓建朕用之布政民耕盜止久居其位庶可勝殘矣宜令中書門下不計年月勿議替移

給宰臣餐錢勅

食人之食者憂人之事況丞相尊位參決大政而堂封未給且無餐錢朕甚愧之宜令日食萬錢之半

備雨潦勅

今載春寒頗甚雨澤仍愆司天監占以夏秋必多霖潦宜令所在郡縣告喻百姓備淫雨之患

修禳星災勅

近者星辰違度式在修禳宜令兩京及宋魏州取此月至五月禁斷屠宰仍各於佛寺開建道場以迎福應

勒停御史鄭觀現任勅

國之重典祀事為先監察御史本虞不恪今則眾官晨興已到御史日晏方來既紊國章難虧朝典其鄭觀宜停見任

賜鄭仁誨手勅

切慮德妃以朕至兗州行營津置內人承侍緣諸軍在野切慮德妃以朕至兗州行營津置內人承侍緣諸軍在野

欽定全唐文

卷一百二

梁太祖

三

不可自安令鄭仁誨專心體候如德妃津置內人東來便須上聞約估或取索鞍馬不得供應如意堅確即以手勅示之

授錢鏐吳越國王冊文

迺者有唐告終王政日紊婦寺亂常於內蠻貊犯順於邊列鎮張膽而相攻大臣捫心而無措惟思家族遑恤朝廷朕起自兵戎歷階節度憂皇天之不平閱黎庶之倒懸誓眾興師為民請命東征西怨共俟我後來蘇簞食壺漿咸若厥角墜地竟以數州之力大翦諸國之鋒歷試諸難遂

叨九錫稽舜禹之禪法隋唐之勅天步多艱人情習亂因
商民之思紆喉桀犬以吠堯職具不共何所不至咨爾上
柱國吳越王錢鏐山川毓秀二五儲精以不世出之才行
大有爲之主納交伯府翼戴中朝靖淮甸之邪氛不得素
我王氣斬羅平之妖鳥不得鳴我王郊迨乎受禪之初首
遣宣諭之使頗知天命不效狂謀匪兼二國之封曷獎尊
王之義今遣使金紫光祿大夫尚書上柱國姚洎使副尚
書禮部主客員外羅袞持節備禮胙土分茅冊爾爲吳越
國王嗚呼車徒萬乘何戎狄之不可膺節制三方何強梁
欽定全唐文 卷一百二 梁太祖 四

請車駕還京表

臣獨兼四鎮迨事兩朝分數千里之封疆受二十年之恩
渥微同物類猶解感知忝齒人倫寧忘報效臣昨將兵士
奔赴闕庭尋過京畿遠迎車駕初因幕吏面奉德音尋有
宰臣頻飛密札或以京都紛擾委制置於中朝或以鑾輅

播遷俾奉迎於近甸臣是以遠離藩鎮不憚疲勞昨奉詔
書兼宣口勅令臣速抽兵士且歸本藩仍遣百官俾赴行
在觀綸言於鳳紙若面丹墀認御札於龍衣如親翠蓋然
知從來書詔出自宰臣每降宣傳皆非聖旨致臣悞將師
旅遽入關畿比令迎駕之行翻挂脅君之過臣今見與茂
貞要約釋兩地猜嫌早致萬乘歸京以副八紘懇望其宰
臣百官已下非臣輒有阻留伏乞詔赴行朝以備還駕

諭諸鎮檄文

今月二十日得襄王偽詔及朱玫文字云田令孜脅遷鑾

欽定全唐文 卷一百二

梁太祖

五

駕播越梁洋行至半塗六軍變擾遂至倉皇而晏駕不知
弒逆者何人永念丕基不可無主昨四鎮藩后推朕纂承
已於正殿受冊畢改元大赦者李煜出自贅疣名汙藩邸
智昏菽麥識昧機權李符擄之以塞辭朱玫賣之以爲利
呂不韋之奇貨可見姦邪蕭世誠之士囊期於匪夕近者
當道徑差健步奉表起居行朝現駐巴梁宿衛比無騷動
而朱玫脅其孤駿自號台衡敢首亂階明言晏駕榮惑藩
鎮陵弱廟朝

與蜀王建書

夫唐虞致治遵禪讓之明文湯武開基允人神之至願必有神器是膺皇圖況古今迭代之期英傑興隆之數莫不上關天命下順人心啟王霸之宏基爲子孫之大計咸遵軌轍並載簡編且念與皇帝八兄項在前朝各封異姓土茅分裂皆超將相之尊魚膺往來久約弟兄之契惟盟甚固功業相推俄隔絕於音塵止因緣於閒謫以至時衰土德運應金行雖手足胼胝粗平多難而星辰符瑞謬付厥躬當百辟之羣情極四方之積患爰都河洛用答乾坤尋聞皇帝八兄奄有西陲盡朝三蜀別尊位號復統高深一

欽定全唐文

卷一百二

梁太祖

六

時皆賀於推崇兩國願通於情好徵曹劉之往制各有君臣追楚漢之前蹤嘗分疆宇所冀同清夷夏俱活生靈載籍具存恢張無爽去歲密聞風旨遐慰寤思憤岐隴之猖狂逼褻斜之封畿欲資牽制用速掃除遂委永平軍節度使劉鄩特遣行人先道深意旋已徑差精甲將擊妖巢合數鎮之驍雄鼓六師之威勢尋聞遐遁殆至滅亡允諧犄角之謀尤得輔車之利近併覽同華奏報皆進呈褒祥書題具悉事機良多歎沃今專馳卿列備達衷懷重論金石之交別卜墳簞之分山河共永日月長懸瞻佇好音言不

盡意今遣光祿卿盧玘閣門副使少府少監李元聊馳書幣導戒道途兼有微禮具在別幅謹白

馬一十四匹紅纓絡子鞍轡各一事計紅耳叱駿馬一匹金玉開裝四垂鞍轡一副紫叱駿馬一匹白玉裝鞍轡一副白驄馬一匹金鍍開裝鞍轡一副烏叱駿馬一匹金鍍龍鳳五垂銀鞍轡一副烏叱駿馬一匹金鍍銀開裝鞍轡一副白驄馬一匹金鍍銀開裝鞍轡一副青叱駿馬一匹裏花五垂銀鞍轡一副青叱駿馬一匹陷金玉五垂鞍轡一副騾叱駿馬一匹金鍍開裝五垂銀鞍轡一副紅耳叱駿

欽定全唐文

卷一百二

梁太祖

七

馬一匹金鍍五垂開裝銀鞍轡一副又玉犀腰帶雜物等計黃排方珮琳腰帶一條頭尾順缺十二事通牡丹犀排方腰帶一條頭尾順缺十二事金香一十斤麝香五十劑犀一十株琥珀二十斤玳瑁二百斤金稜琉璃碗十隻銀稜祕色鈔鐸二面金花銀裝厨子一對金花渾銀裏龍鳳儀注槍四條并鞘子犂牛紅拂子全金花銀裏龍鳳儀注槍四十條綾袋盛金銅甲二副并副膊兜鍪全又藥物十三位計茯苓一十斤茯神一十斤酸棗仁五十斤玉鹽五斤新羅人蓂一十斤牛膝一十斤枳殼一十斤五味子五

斤赤箭一十斤鹿茸一十對顆棗一千枚羚羊角五對牛黃一百銖右件藥物等或來從燕市或貢自炎方或馨香能助於薰爐或華妙可資於寶翫光涵星斗藥有君臣願伸兩國之情重固千年之約愧非繹禮粗達深衷特希檢留幸甚謹白

與契丹阿保機書

朕今天下皆平惟有太原未服卿能長驅精甲徑至新莊爲我翦彼仇讎與爾便行封冊

梁末帝

欽定全唐文

卷一百一

梁末帝

八

帝諱璿初名友貞太祖第四子唐文德元年生開平元年封均王乾化三年二月即位改名鏐末年改今名在位十一年年三十六

即位改名制

朕仰膺天職近雪家讎旋聞將相之謀請紹祖宗之業羣情見迫三讓莫從祇受推崇懼不負荷方欲蒸嘗寢廟裡類郊丘聿徵定體之辭用表事神之敬其或於文尚淺在理未周亦冀隨時別圖制義雖臣子行孝重更名於已孤而君父稱尊貴難知而易避今則虔遵古典詳考前聞允

諧龜筮之占庶合帝王之道載惟涼德尤愧嘉名中外羣寮當體朕意宜改名銘

給復宋毫等三十二州制

王者愛育萬方慈養百姓恨不驅之以仁壽撫之以淳和而炎黃有戰伐之師堯舜有干戈之用諒不獲已其猶病諸然則去害除妖興兵動衆殺黑龍而濟中土刑白馬而誓諸侯終能永逸暫勞以至同文共軌古今無異方冊具存朕以眇末之身託億兆之上四海未乂八年於茲業業兢兢日慎一日雖踰山越海肅慎方來而召雨徵風蚩尤

欽定全唐文

卷一百一

梁末帝

九

尚在顧茲殘孽勞我大邦將士久於戰征黎庶疲於力役本年木牛暫息則師人有不曩之憂流馬盡行則丁壯有無聊之苦況青春告謝朱夏已臨妨我農時迫我戎事永言大計思致小康宜覃在宥之恩稍示殷憂之旨用兵之地賦役實煩不有蠲除何使存濟除兩京已放免外應宋毫輝潁鄆齊棣滑鄭濮沂密青登萊淄陳許均房襄鄧沁隨陝華雍晉絳懷汝商等三十二州應欠貞明四年已前夏秋兩稅并鄆齊滑濮襄晉輝等七州兼欠貞明四年已前營田課利物色等並委租庸使逐州據其名額數目於

旋所在官吏不得淹停制命徵督下民致恩澤不及於鄉
閭租稅虛捐於帳籍其有私放遠年債負生利過倍自違
格條所在州縣不在更與徵理之限兗州城內自張守進
違背朝廷結連蕃寇久勞攻討頗困生靈言念傷殘尋加
給復應天下見禁罪人犯大辟合抵極刑者宜示好生特
令減死除準格律常赦不原外徒流以下遞減一等左降
官未經量移者與量移已量移者更與復資

追復博王友文官爵詔

我國家賞功罰罪必叶朝章報德伸冤敢欺天道苟顯違

欽定全唐文

卷二百一

梁末帝

十

於法制雖暫滯於歲時終振大綱須歸至理重念太祖皇
帝嘗開霸府有事四方追建皇朝載遷都邑每以主留重
務居守難才慎擇親賢方膺寄任故博王友文才兼文武
識達古今俾分憂於在浚之郊亦共理於興王之地一心
無易二紀於茲嘗施惠於士民實有勞於家國去歲鄆王
友珪嘗懷逆節已露凶鋒將不利於君親欲竊窺於神器
此際值先皇寢疾大漸日臻博王乃密上封章請嚴宮禁
因以萊州刺史授於鄆王友珪纔覩宣頭俄行大逆豈有
自縱兵於內殿卻翻事於東都又矯詔舊枉加刑戮仍奪

博王封爵又改姓名冤恥兩深誑欺何極伏賴上元垂祐
宗社降靈俾中外以叶謀致遐邇之共怒尋平內難獲勦
元凶既雪恥於同天且免譏於共國朕方期遁世敢竊臨
人遠迫推崇爰膺續嗣冤憤既伸於幽顯霽澤宜及於下
泉博王宜卻復官爵仍令有司擇日歸葬

國忌輟朝詔

太祖皇帝六月二日大忌朕聞姬周已遷並用通喪之禮
炎漢之後方行易月之儀歷代相沿萬幾斯重遂爲故實
難遽改更朕頃遵家範近平內難倏臨祥制俯迫忌辰音

欽定全唐文

卷二百一

梁末帝

十一

容永遠而莫追號感彌深而難抑將欲表宅憂於中禁是
宜輟聽政於外朝雖異常儀願申罔極宜輟五月二十二
日至六月二十九日朝參軍機急切公事即不得留滯並
仰畫時間奏施行

輟朝答宰臣詔

朕聞禮非天降固可酌於人情事繫孝思諒無妨於國體
今以甫臨忌日暫輟視朝冀全哀戚之情用表始終之節
宰臣等累陳章表備述古今慮以萬幾之繁議以五日之
請雖茲懇切難盡允俞況保身方荷於洪基敢言過毀而